

Afe ongwi ababɔ mgbi iPyita

¹ Afe nɛ kye mbi iPyita, inggisɛ ogbikye iYesu iKrestu.

Le kɛ mbi ama Imgbasho sadu ma, ganya kpatɛ ɛɛ dafi iPontu yi iGalatia yi iKapadosia yi Asia beyi iBitinia.

² Imgbasho Otseyi sadu ma tugbe mi oyeeye mgban, di nu Onodzi mgban salu ma yɛɛ saan. Nghanɛ, ɛma su nun a di salu ɛma mi eyi mgbi iYesu iKrestu.

Elela beyi iyu no dɛɛ yi ɛma kpakpa.

*Ɛwɛ ogbe byiibyi mgbi
oshishe ogyegwu*

³ Tsɛ Imgbasho Otsɔ Otɛ mgbi eyi iYesu iKrestu! Mi elela odiidi mgban odatu o yile eyi mba kaka ɛwɛ ogbe byiibyi ogyegwu mi okyile iYesu iKrestu mi ikwongye.

⁴ O di kye okwudɛ nka nyanya naadi mbee hona sila ba dɛɛ ɛma mi esho.

⁵ ɛma ngwu a gbe ma to mi mfye mgbi Imgbasho ikpewo oyɛɛ onuunu luba owatɔ-watɔ ngwi a ka kye tso mi onɔ ongwi olɛɛ mani.

⁶ Ni i dɛɛ gbɛɛ ɛma ka nye mi iso yi owulewo mi ali imbadi duu mi ongwonɔ gwee nɛ kpaa, dɛɛ yi atsa mi ele saan na.

⁷ Lubana ungwɔ ntonɛ li odi gbɛɛ oyɛɛ onuunu mgbi ɛma li otsitsi. Bana abashi nka nyanya nɛ kpaa a li mbadin mi ola, nghanɛ oyɛɛ onuunu

mgbi ema nsumse ngha abashi nɛ kpaa, a ka mbadin ikyegbɛɛ no fyumfye. Ta a ka tsɛ ema di nu ema mmwɛ mi egbe ngwi a ka kye iYesu iKrestu tsoto mani.

⁸ Ngwi ema di iYesu ba nɛ kpaa, o kpa ema itukwu, ngwi ema di din onɛnɛ ba nɛ kpaa, ema nun oyɛyɛ di mbwo yi atsa yi okwɔkwɔ ngwi a ka gbɔn gbɛ ba.

⁹ Lubana ema le tu ungwɔ ndzɛ mi oyɛyɛ onu-unu mgbi ema, owato-wato mgbi oshishe mgbi ema mani.

¹⁰ Mi odzɛ owato-wato nɛ, ama ogbɛɛɛ ama ngbɔdzɛ elela odiidi nka ba mbi ema na, kyidi yɛyɛ yi ɛwɛ ogbe byiibyi nnghaangha duu.

¹¹ A le fya odifwi onɔ yi odzɛdzɛ mgbi odzɛ ngwi Onodzi mgbi iKrestu nwodzɛ mboma na le gbɔdzɛ adzɛ ogyeegye mgbi iKrestu bɛyi okwɔkwɔ nka kyɛdɔ mi onɔ ngwi o gyadzɛ nyɛ mani.

¹² A kye tso ma gbɛɛ di a le kyɔ ewoma idɔ ba kpaa li abu, a gbɔ Esɔ Osuse nya ema mi mfye mgbi Onodzi Osaan ngwu a dɔnsɔ kye esho nani. Esɔ mgbi ama na li ikye mgbi ema. Engyesɔ kpaa i mina ma gbɛɛ ama ki kye inɛ kɛ ungwɔ ntonɛni.

Dzɛ Saan

¹³ Nghanɛ, kye itukwu mgbi ema dzɛkɛ mi okyɔɔkyɔ, bwa ewema fyii na, kye ɛwɛ ogbe byiibyi mgbi ema duu dzɛkɛ mi elela ngwi a ka kye nu ema onɔ ngwi a kawa kye iYesu iKrestu tsoto mani.

¹⁴ Dafi ema li engbɛ ama onghaadɔ ba nɛ, ka nu imina ibwubwe ngwi ema dzɛyan tugbe na kye ema teyi dafi onɔ ngwi ema to mi inɛ obuubu na ba.

¹⁵ Kpaa dze saan mi alungwo ngwi ema le kyo duu, dafi inggise nkwu ema ela kpaa dze saan nani.

¹⁶ Lubana a lo gbɛɛ, <<Dze saan, ikyesine Ani kpaa le saan.>>*

¹⁷ Ngwi ema li bibo mbi Imgbasho nli fwo ali inggise duu ikwo mi osadu-sadu ba ne, sunu Imgbasho yi imio ngwi ema ka to ese ne dafi ingyoga neni.

¹⁸ Lubana ema ye dafi Imgbasho fife ikye odulu ema to mi oshishe ayayi ngwi ema gyokwudan mbi emi otsikyema mani. Ma ungow ngwi o kye fife ma, li ungow ayayi dafi iyudza onzundze hona abashi ba,

¹⁹ kpaa li mi eyi mgbi iKrestu nle glododo nani, ongwummala nboya hona tummya ba.

²⁰ Imgbasho tsekise dulun se a wa ta ese, ng-haduu a kyon tso mi egbe ongwi olele ne ikye mgbi ema.

²¹ Mi ikpewon ema noyeye mbi Imgbasho, ongwu nkyilon mi ikwu di kye okwokwo nun, nghawane oyeye onuunu beyi ewe ogbe byiibyi mgbi ema dze mbi Imgbasho.

²² Onene ngwi ema kyi salu ewema saan mi ogbela yi otsitsi ikyegbɛɛ ni ema dze yi okpitukwu mgbi otsitsi ikye engwunema ne, dze yi okpitukwu mbi eka kpini, mi itukwu.

²³ Ikyesine a yile ema mba akpe efa, ema yama li mi eto odzili-dzili na ba, kpaa mi eto odzili ba nani, li mi elodze mgbi Imgbasho ndze oshishe di li gyegwu nani.

* **1:16 1:16** ILiv 11:44,45; 19:2; 20:7.

24 Lubana,
 <<Inggise duu to dafi afutse,
 okwɔkwɔ mgbi ama duu di dze dafi
 onggangga mgbi afutse mi okwɔ mani,
 ni afutse wa ngwɔ ta onggangga li wulo,
 25 nghaduu elodze mgbi OTSE dze gyegwu.>>†
 Ma li elodze ne ngwi a gbon nya ema aani.

2

1 Nghanɛ, dulu ewema mi okye inggise wo ifu
 yi okpagyewo duu yi ikpala yi odi tanyi beyi ali
 elodze ibwubwe ogbɔɔgbɔ duu.

2 Dafi ongweyeyi ngwu a kwa mba ne, dze yi
 imina mgbi enaabe ongwi onodzi nle saan, ikye
 ni ema she mi owato-wato mgbi ema,

3 ngwi ema difwi onene gbɛ Otse tishi neni.

*Ikwutse oshishe yi inggise ngwu a
 sasadu ma*

4 Dafi ema ba mbi iYesu nli ikwutse oshishe
 ngwi inggise fwan ne kpaa, Imgbasho dulun o di
 kpan itukwu saan.

5 Ema kpaa, ngwi ema li ikwutse ndze oshishe
 ne, a mbe ema kaka ozu onodzi ikye ni ema li eto
 ama ofife osaan, le fife ongwi onodzi ngwi a gbela
 yan nye mbi iYesu iKrestu nu Imgbasho.

6 Lubana Afe gbɛ:
 <<Dika, Ani kye ikwutse okwulu ikye ozu
 ngwu ani dulu di kpa Ani saan,
 kye dzeke iDzayɔn,
 ali inggise nnun oyeye tayo,
 a ka nun ayiwi ba.>>

† 1:25 1:25 : Adza 40:6-8.

⁷ Nghanɛ mbi ema ama nnoyɛyɛ yɔ, ikwutɛ nɛ sunse saan. Nghaduu mbi ama nnoyɛyɛ ba ma, <<Ikwutɛ ngwi ama ombɛ ozu fwa ma yɛɛ ikwutɛ okwulu ikye ozu,>>

⁸ bɛyi,

<<Ikwutɛ nka nu inggise tsiishi di li ofishi nka nu ma gbɛɛ.>>

A tsiishi ikyekye a noyɛyɛ mi esɔ na ba, ungwɔnɛ dɛɛ nɛɛha ikyegbɛɛ a tsekise kye dɛkɛ ikye ma.

⁹ Nghaduu ema li inggise ngwu Imgbasho sadu ema, emi ongwuuto mgbi ama ofifɛ, ɛɛɛ osaan, inggise ama nli mgbi Imgbasho yɛyɛ, ikyegbɛɛ ni ema tso otɛɛtɛ mgbi ongwu nkwu ema ela tɔ mi iifu luba osa mgban okwulewo nani.

¹⁰ Nose ema yama li inggise ba, kpaa onɛnɛ ema li inggise mgbi Imgbasho, nose ema tu elela odiidi ba, kpaa onɛnɛ ema tu elela odiidi.

¹¹ Emi okani osuse, n tɛkyɛ nu ema, dafi ema kye anengye di li ingyoga mi ɛɛɛ nɛ, dula ewema tɔ mi imina mgbi ungwɔ ibwubwe, nle gblika yi oshishe mgbi ema nani.

¹² Dɛɛ mi itɔ oshishe osuse na mi idzidɛɛ ama ola angwula ikyegbɛɛ, nu ma le mwonya bɛɛ ema gbɛɛ ema le kyungwɔ obube kpaa, a ka di osuse mgbi ema okyɔɔkyɔ di kye okwɔkwɔ nu Imgbasho mi egbe ngwi o ka ba eyi ɛɛɛ mani.

*Okye mmwe nu inggise ama
mfye byabo ma*

¹³ Siikyenu ali inggise ngwu a kye abuto don ikye mi ikye mgbi Otɛ Imgbasho: onghaangha duu ongyufa, ngbe inggise duu le teyi nani,

¹⁴ hona emi iGona, ama ngwu o dɔ ma esɔ gbɛɛ nu ma kwo ama nkɔ obube adɔ di nu ama nkɔ ali osuse okiyayi ntonani.

¹⁵ Ikyesine li oweka mgbi Imgbasho gbɛɛ ni abu le kɔ osuse yɔ, abu yile abɔ tukwu emi ikwangha ondu mi elodze mgbi ama onbwaa ntonani.

¹⁶ Dze mi ewo osheta na, kpaa ka kye ewo osheta mgbi ema no yɛ anggwɔ oge ine kyungwɔ ibwubwe ba, dze dafi engbidɔ mgbi Imgbasho mani.

¹⁷ Kye mmwe nu ali inggise duu saan na: Di emi ongwunema emi iKrestu kpa ema itukwu, tsio Imgbasho, nu uto mmwe.

¹⁸ Engwefyɛɛ, gbe agyaagyɛ nu engyukwo mgbi ema yi ali itɔ oshewo duu, no ka li mbi ama nwaali ngwu a kye ma wuuta ta ba, nghaduu no li mbi ama nwaali ba kpaa.

¹⁹ Lubana Imgbasho ka kye mse be inggise nle gyadze mi itɔdze ba ikye ongwu mani.

²⁰ Kpaa li ali oyabɔ ngwi abu ka tu ni abu kyungwɔ obube se a le nye abu, abu di shitukwu? Nghaduu ni abu gyadze mi ikye ungwɔ osuse di shitukwu yɔ, Imgbasho ka kye mse be abu ewo.

²¹ Li ikyengha ngwi Imgbasho kwu abu ela aali, lubana iKrestu gyadze ikye abu, dzata ambe dze abu, gbɛɛ ni abu kyɛdɔ afokyɛɛ mgban.

²² <<O kɔ obube onyi ba, a di fwon yi onya omwaamwa onyi ba.>>

²³ Onɔ ngwi a gbe ito tukwun ma, o yile mkpa kpa ma ba, ngwi o gyadze ma, o tongwa ine wo ma ba. Ungwɔ ngwi o kɔ yɔ, o yile ewon wo ongwu nli gbiikwɔ mi emyemyɛ na abɔ.

²⁴ Ongwu abuoŋ gbe ali ibwubwe mgbi eyi tukwu ewo mi ekwatsi, ikyegbɛɛ ni eyi nya yi alobube okyɔɔkyɔ di dze oshishe ikye osaan, mi ifwa ngwi a dzan nani ootse mgbi ema ngyɛ.

²⁵ Lubana ema to dafi mmala nganya mani, nghaduu onene ema ye luba mbi inggise ogbe mmala teyi beyi inggise ogbinebyi oshishe mgbi ema.

3

Engyaa yi emi obama

¹ Engyaa, mi ito ofɛ na kpɔɔ siikyenu obeema na ikyegbɛɛ, ni a wa noyeyɛ mi elodze Imgbasho wuba kpaa, okyɔɔkyɔ mgbi ema ka ye kyata ma luba mbi Imgbasho shilididi,

² nu ma di osaan beyi osu-su nu Imgbasho mi oshishe mbi ema yɔ.

³ Ingwinda mgbi ema no ka li mgbi ikpewo, dafi otu odzile-dzile yi tagwude ngwi a mɛ mi abashi beyi angwuto ama osuse ba.

⁴ Tatase, no li ungwɔ nwodze mi idzidze mbi abu nani, ingwinda mgbi onodzi obwa fyii di dze shilididi nli sila ba, ngwi li ungwɔ olɛlɛ efu ba mbi Imgbasho nani.

⁵ Lubana li ito ofɛ ngwi engyaa ama nle saan nkye ewe ogbe byiiɓyi mgbi ama dze mbi Imgbasho tugbe li mɛ ingwinda mgbi ama aali. A li siikyenu emi obama,

⁶ dafi iSara, ngwu siikyenu Abrahan di li kwun di otsungwude nani. Ema li emi ongtwan emi engyaa ni ema le kyungwɔ nli ayin yi imio ewo bayɔ.

⁷ Ebengyaa, ema kpaa mi ito ofe ne, nu oweema mmwe dafi a fyumfye ba ne kpaa, a li ama ngyokwude mgbi oshishe ofufe mi elela neni, ikye ni unkonyi ka tukwu ofe ibo mgbi ema ba.

*Ogyadze mi ikye ungwɔ osuse
okyɔɔkyɔ*

⁸ Ongyɛngye yɔ, ema duu dze mi ogbela-gbela yi ewema, di ewema elela, di eka kpa eka itukwu, dze yi itukwu osuse di yile ewo ese nu ewema.

⁹ Ka yama kye ungwɔ obube kpa inggise mkpa yi ungwɔ obube ba naadi ito ofya-fya mi ito ofya-fya ba, kpaa, kpa yi mse, ikyekye li ikye ungwɔne ngwi a kwu abu ela gbɛɛ ni abu gyokwude mse aani.

¹⁰ Lubana, <<Ali inggise nmina odi oshishe kpan itukwu di di egbe osuse yɔ, ka bwa ide mgban fyii mi ogbɔdze ibwubwe di bwa ondu mgban mi odulu elodze atsika.

¹¹ Li kyeme ngwi o ka kyata mi ungwɔ ibwubwe ye kyɔ osuse, li kyeme ngwi o ka mina iyu di kyɛdo mi ele.

¹² Lubana ine mgbi Otse byidze mbi ama osaan, adɔ mgban di lasisa ofwo ma ibo, Otse li gbela yi ama okyungwɔ ibwubwe ba.>>

¹³ Li emɛ ka kyɔ abu ungwɔ obube ni abu dze yi oweka okyungwɔ osuse?

¹⁴ Kpaa kini abu le gyadze mi ungwɔ nli ayin kpaa, mse be abu ewo. <<Ka yama tsio ungwɔ ngwi a le tsio ma ba, eyi no ka ta abu ba.>>

¹⁵ Nghaduu kye iKrestu saan mi itukwu mgbi ema gbɛɛ o li Otse. Wewo onu ali inggise nbyi ema ita uka mi itɔdze mgbi ewe ogbe byiibyi mgbi ema

along duu. Nghaduu kyungwone mi ofe iyu beyi mmwe,

¹⁶ itukwu mgbi ema no gbosa, adzi ni ama nli gbodze ibwubwe mi ikye ali mgbi ema osuse ikye iKrestu ma gyayiwi mi iyi ngwi a le mbe ema ele nani.

¹⁷ I tatase, no li oweka mgbi Imgbasho gbɛɛ, ni abu gyadze mi okyo osuse ngha okyo obube.

¹⁸ Lubana iKrestu kwulu ikye ali ibwubwe akponyi ta, inggise osaan kwulu ikye emi ibwubwe, ikye oyile ma ba mbi Imgbasho. A ngwon mi ikpewo kpaa a non dze oshishe mi Onodzi.

¹⁹ Li mi ofe na ngwi o ke ka gbeeso nya onodzi ama nnghaado tugbe ngwi a gbe ma woto obawi

²⁰ ngwi Imgbasho shitukwu onɔ ngwi iNua kpa uwaa nani. Mi efu inggise gwee, duudu yo li egyata ta, wato mi ikwu eni.

²¹ Ma eni ne tso ambe iBatisima ndulu ema to onene neni, nghaduu yama li osa mmbyi mi ewo ba kpaa li mi ondu odzedze mgbi itukwu osaan mbi Imgbasho. I nagbe abu mi okyee-kyee mgbi iYesu iKrestu,

²² nlu esho di sodze abugye mgbi Imgbasho, ngwu engyeso, mfyɛ beyi enepe duu byidze abon nani.

4

Odze oshishe ikye Imgbasho

¹ iKrestu gyadze mi ewo mgban. Nghane ema kpaa wewo ogyadze kyeme dafi ongwu kpaa gye nani, ikyekye adze ogyeegye tso gbɛɛ ema nya yi ali ibwubwe okyɔkyɔ.

² Ikyenghane, ka yama dze mi ito oshishe mgbi ese ne mi imina ibwubwe mgbi inggise owamyɛ ba, kpaa dze mi oweka mgbi Imgbasho.

³ Lubana ema mbe onɔ kpakpa mi iyikpa ole kyungwo ngwi ama oye Imgbasho ba le kyo mani, ema woto mi ayayi oshishe yi imina mgbi amah yi ebye owaawa yi oyɛ klakla ikye okyungwo obube beyi owa ebye yɛ tooto di sunu adagyɛ ngwi li ungwo nta Imgbasho anyi.

⁴ Li su ma unɔ gbɛ di ema wodze ate yi ama okyo oshishe ikwangha ntona yi ama wuba ba, man a li gbe ito le tukwu ema ewo.

⁵ Nghaduu a kawa nu uka mbi ongwu nka gbɔ emi oshishe beyi emi ikwukwo ikwo dzikan-dzikan nani.

⁶ Ikyesine li itodze ne ngwi a gbeeso nya emi ikwukwo kpaa aali, ngwi a kwulu dafi inggise li kwulu ne kpaa, onene a dze oshishe mi onodzi yi Imgbasho gyegwu.

⁷ Ongyɛngyɛ mgbi alungwo duu dze kwɛkwɛ. Nghane itukwu mgbi ema no gbosa, di bwa ewee fyii ikye ni ema bibo.

⁸ Onghaangha duu yo, kpa ewema itukwu kpakpa, ikyekye okpitukwu li tukwu alobube ibyibi.

⁹ Gbe ewema yi ondukwo okwu-kwu ba.

¹⁰ Ali inggise no kyo oyabo yi umba ngwi a nun mani ikye oya angbeka abo, mi okyido mgbi elela mgbi Imgbasho ne saan mi ali ofe duu.

¹¹ Ali inggise nle gbodze duu, no gbɔ dafi inggise nle gbɔ elodze Imgbasho yeye mani. Ali inggise nle kyido yo, no kyo yi mfye ngwi Imgbasho nun mani, Ikye ni a tse Imgbasho mi alungwo duu

ikpewo iYesu iKrestu. Okwɔkwɔ yi mfye no dze mbon nghataa gyegwu. No dze ngha.

*Adze ogye gbɛɛ di abu li
inggise iKrestu*

¹² Emi okani osuse, no ka kwulu ema ewo mi imbadi owulewo ngwi ema le nye ele ne ba, ngwi dze dafi ungwo oka idzidza le kyo ema neni.

¹³ Nghaduu dze yi atsa gbɛɛ di ema wodze mi adze ogyeegye mgbi iKrestu, ikye ni abu wa dze yi atsa oshewo onɔ ngwi a ka kye okwɔkwɔ mgban tso mani.

¹⁴ Kini a fya abu ito mi ikye iyi mgbi iKrestu yo, mse be abu ewo, lubana Onodzi mgbi okwɔkwɔ beyi mgbi Imgbasho dze mbi ema.

¹⁵ Ni ema gyadze yo, no ka dze dafi mgbi inggise ongwɔ inggise naadi emumyi naadi ama okyo ali ibwubwe angbeka hona inggise ogbe abɔ sha odze mgbi inggise angbeka ba.

¹⁶ Nghaduu, ni abu le gyadze dafi inggise iKrestu yo, ka yama kwayiwi ba, kpaa tse Imgbasho ikyekye abu dze yi iyi nani.

¹⁷ Lubana onɔ gyo ngwi ikwo ka wita yi eto mgbi Imgbasho wa, ma ni i wita yi eyi wali, ama nfwɔ osunu mi Eso Osuse mgbi Imgbasho ntona, mgbi ama ma kawa dze sine?

¹⁸ Ma, <<Ni i fyumfye ni inggise ama osuse wato ma, ama ongha Imgbasho adɔ beyi emi ali ibwubwe ma ka dze sine loma?>>

¹⁹ Ikyenghane, ama nle gyadze mi oweka mgbi Imgbasho ma nu ma kye ewoma wo ongye ngwu ta ma na abɔ di kiyayi okyo osuse.

5

Mbi engyukwo beyi mmafa

¹ Ema ama ogbe inggise teyi mi okwakyē mgbi emi iKrestu, n le lo afe ikye okwu ema ewe wo. Ani kpaa li inggise ogbe inggise teyi, di li obwende mi adze ogyeegye mgbi iKrestu, dika wodze mi okwokwo mgban onɔ ngwi a kawa kye tso eyi mani.

² Ngyo ifyungwo mgbi Imgbasho nto abɔ mgbi ema nani, gbinebyi ma itukwu asisa, ka kyo dafi a le si abu siisi ba. Ka kyo ikye ungwo ngwi abu ka tu mi ele ma ba, nghaduu kyo ikyegbee di abu dze yi imina okyo Imgbasho ido.

³ Ka kye okye egyegye do ama ngwu a gbe wo abu abɔ ntone ba, kpaa tso ma ambe osuse mgbi abu.

⁴ Onɔ ngwi ikye mgbi ama ongyo ifyungwo wa ba yo, abu ka gbe okpapyi okwokwo nka sila ba nani.

⁵ Mi ito ofe na kpoo, ema mmafa, siikyenu ama nli engyukwo ema mani. Ema duu, yile ewo ese nu ewema ikyekye,

<<Imgbasho li gbela yi ama okyile ewo esho ba, kpaa li kyumse yi ama oyile ewo ese.>>

⁶ Ikyenghane yile ewema ese, mi iwulu abɔ odatu mgbi Imgbasho, gyo ngwi o ka kyile ema esho ni onɔ wa gyo yo.

⁷ Gbe okakewo mgbi ema duu don ubo ikyekye li ongwu li gbinebyi ema.

⁸ Gbewedze ngyo ewema di kwasisa. Ongyikyili mgbi ema olodu, dze dafi ugaba nle tsagwudu mani, le pita inggise ni ongwu tangha.

⁹ Fwa ikwangha yan, kwulese kpoklɔɔ mi oyeye onuunu, lubana ema ye dafi emi ongwunema mi ese duu le nye mi itɔ adze ntonɛ mani.

¹⁰ Ma Imgbasho mgbi elela duu, nkwa ema ela ba okwakwa mgban ogyegwu ndze yi odondu ba mbi iKrestu na, ongwu abuan ka yile abu kwitse di nu abu fyumfye di nu abu kwudze kpoklɔɔ, ni abu gyadze ongwonɔ gwee nye yɔ.

¹¹ Mfye no dze mbon gyegwu gyegwu. No dze nga.

Angba olele

¹² Yi abɔ oyaaya mgbi iSaila ngwu ani kyon wuuta gbɛɛ o li inggise iKrestu oyeye na, n lo ongwɛ afe na ke mbi ema, le kwu ema ewe wo dile kyɔ obwendɛ gbɛɛ nɛnɛ li elela mgbi Imgbasho otsitsi. Kwudze mi ele fyumfye.

¹³ Okwakye mgbi emi iKrestu ongwi iBabylon ngwi Imgbasho sadun ungwonyi yi ema na, dɛsɔ angba mbi ema. Ongwani iMaki kpaa dɛsɔ angba.

¹⁴ Ta ewema angba tsekwulu eka otso okpitukwu. Iyu no dze yi ema ama ndze mbi iKrestu duu. No dze nga.

Etulo NT

Portions of the Holy Bible in the Etulo language of Nigeria

copyright © 2024 Initiative for the Translation and Development of African Languages

Language: (Etulo)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 26 Jul 2025 from source files dated 9 Jul 2025

156b6685-3a62-5375-95ed-97245882cc90